

D'Gilde Peppers meined:

Letschi bin ich total introvertiert,
z'Frauefeld am Roothus verbiispaziert,
«Wie tönt's denn do?» ich bi scho echli verschrocke,
so komischi Grüüsch; tuet dä Stadtroot grad öppis verbocke?
Äs geiferet, äs gurgelet, äs brüllt ganz luut,
ha mi instinktiv gfrogt, ob öpper Hilf bruucht.
Äs brabbelet, äs chrüücht und s'tuet au echli schtinke,
bigoscht – do gseh ich obe am Fenschter Lüüt winke,
uff, ich schnuufe uf, vergebe isch mir gsi bang,
Entwarnig – da isch jo nu dä jöhrliche Baby-Empfang.

(Auszug aus dem Programm am kommenden Freitag!)